



# **RUKOMETNI SAVEZ BOSNE I HERCEGOVINE**

## **HANDBALL FEDERATION OF BOSNIA AND HERZEGOVINA**

**71000 SARAJEVO, Ćemaluša 6/1, tel. ++ 387 33 66 81 43, fax. ++387 33 66 85 11**

**Web: [www.rsbih.com](http://www.rsbih.com) e-mail: [ruksavez@bih.net.ba](mailto:ruksavez@bih.net.ba)**

Sarajevo, 10.02.2018. godine

Predmet: Saopćenje za javnost sa VI sjednice UO RSBiH

Ovim putem Vas informiramo o zaključcima sa VI sjednice Upravnog odbora RSBiH. Sjednica se održala u Sarajevu 10.02.2018. godine. Dnevni red je bio iscrpan, a sjednica je trajala 10 sati. Na početak sjednice su došli predstavnici premijerligaških klubova koji su imali prijedloge da nastavak Premijer lige BiH vode klubovi kroz Udruženje premijerligaša, kao i da se pristupi proceduri sazivanja vanredne Skupštine RSBiH. S obzirom na istaknute zahtjeve, Upravni odbor se odredio prema tome da će se redovna skupština održati u mjesecu maju 2018. godine, dok će se prvenstva odigrati prema kalendaru natjecanja i pod isključivom ingerencijom Rukometnog saveza BiH kao i do sada.

Rukometni savez se obavezao da će u pripremi Skupštine nadležna tijela pripremiti izmjene Statuta RSBiH u pogledu uvrštavanja udruženja ligaša, sindikata igrača, udruženja trenera i sudijske organizacije u Statut, kao i preciziranje ovlaštenja i djelokruga istih. Nastavljaju se aktivnosti oko završetka porezne registracije. Mogućnosti koje su se nagovještavale u medijskim istupima oko promjene imena ili sjedišta nisu u ingerenciji Upravnog odbora i o njima će se odrediti Skupština.

Upravni odbor je dao punu podršku suradnji sa Agencijom za antidoping kontrolu BiH u pravcu poboljšanja rukometnog sporta u BiH.

Kao i sve odluke na današnjoj sjednici, i izvještaj direktora muških reprezentacija je usvojen jednoglasno. Također, pohvaljene su aktivnosti u omladinskom reprezentativnom rukometu, te se donio zaključak o izradi plana omladinskih liga na nivou BiH.

Kada je u pitanju ženski rukomet, istaknuta je važnost kandidature i dobijanja domaćinstva za EHF/IHF Ženski trofej 2018 koji će se u maju odigrati u Tuzli. To će biti i početak ozbiljne priče vezane za ženski rukomet. S obzirom na to, imenovanje direktora i selektora, kao i detaljan plan aktivnosti, ostavljeni su na usaglašavanje i konkretne informacije će biti obznanjene u narednim danima.

U narednom periodu Rukometni savez BiH će se oglasiti o rezultatima istraživanja koje je obavljeno na području BiH, a vezano za rukometnu infrastrukturu.

**PRESS RS BiH**